

鹽城縣志

第七冊

鹽城縣志

卷之四

鹽城縣志卷之十三

人物志

海之為物也靈奇震蕩故允濱海之地必生倜儻非常
之人與貝闕珠宮相輝映鹽濱海地也今古相望人傑
疊疊然一時之臧否百世之法戒昭焉志之者若憑私
意以為軒輊則於彰燁之義何居為子孫者欲表揚其
祖父乃生前碌碌無所短長死後妄希赫赫之譽忍反
為清議所指摘則尤不孝之大者今故博採史冊兼參
輿論核定謹書無溢美無遺行蓋於斯編特競競云志
人物

忠烈

漢

臧洪字子源廣陵射陽人父受

另有傳

洪體貌魁梧年十

五以父功拜童子郎知名太學時選三署郎以補縣

長洪為郎郎長靈帝末棄官還家太守張超請洪為

功曹董卓圍危社稷洪說超倡義誅卓超然其言與

洪西至陳留見兄邈計事邈與語大異之於是兗州

刺史劉岱豫州刺史孔伷陳留太守張邈東郡太守

橋瑁廣陵太守張超諸牧守大會酸棗設壇將盟共

推洪洪攝衣升壇操槃歃血而盟辭氣慷慨涕泣橫

下聞其言者雖卒伍厮養莫不激揚人思致節頃之
諸軍食盡衆散超遣洪詣大司馬劉虞謀至河間值
幽冀二州交兵行塗阻絕洪因見表紹紹奇重之使
洪領青州刺史洪在州二年紹嘆其能徙為東郡太
守治東武陽時曹操圍張超於雍邱甚危急超言臧
洪必來救吾衆難之超曰子源天下義士終非背本
者也洪聞果徒跣號泣並勒所領將赴其難自以衆
弱從紹請兵紹不聽城陷超遂族滅洪由是怨紹絕
不與通紹與兵圍之歷年不下紹令洪邑人陳琳與
洪書喻以禍福洪答書無降意紹增兵急攻城中糧

盡外無疆救洪角度必不免呼吏士將妻子出將吏
士民皆不忍舍去初尚掘鼠煮筋角後無可食主簿
啟內厨米三斗請稍為饘粥洪曰何能獨甘此使作
薄糜遍班士衆又殺其愛妾以食將士將士咸流涕
無能仰視男女七八千人相枕而死莫有離叛城陷
紹生執洪或惟慢大會諸將見洪謂曰滅洪何相負
若此今日服未洪據地瞑目曰諸表事漢四世五公
可謂受恩今王室衰弱無扶翼之意欲因際會希冀
非望多殺忠良以立姦威洪親見呼張陳留為兄則
洪府君亦宜為弟同共戮力為國除害何為擁衆觀

人屠滅惜洪力劣不能推刃為天下報仇何為服乎

紹本愛洪意欲令屈服原之見洪辭切乃殺之

按唐章懷

註後漢書臧洪傳云射陽在今楚州安宜縣東安昔寶應也寶應東定監城則射陽在漢時為監城明矣

陳容洪同邑人少為諸生親慕洪隨洪為東郡承先城

未破洪使歸紹及洪將殺容在座起謂紹曰將軍舉

大事欲為天下除暴而殺戮忠義豈合天意洪為郡

將奈何後之紹慚使人牽出謂曰汝非臧洪儔空復

爾為容顧曰夫仁義豈有常蹈之則為君子背之則

為小人今日寧與臧洪同日死不願與將軍同日生

也遂見殺在紹座者無不嘆息竊相語曰如何一日

殺二烈士

宋

歐陽澈字濤明年少美鬚眉善談世事尚氣大言慷慨

不少屈而憂國閔時出於天性高宗卽位澈以布衣

徒步走行在伏闕上封事極詆用事大臣黃潛善汪

伯彥誤國之罪時太學生陳東上書乞留相李綱而

罷黃潛善汪伯彥善等以語澈怒帝言若不亟誅將

復鼓衆伏闕二人遂同日斬於市澈嘗上經國三十

策所著有飄然集六卷紹興四年加贈朝奉郎秘閣

修撰官其子二人

朱文公語錄云汪黃用事事事無能却會專殺如
置馬仲於死地陳東歐陽澈之死皆二人為之又
云薰族叔祖居高郵時一日使人往楚州鹽城小
村賈物事乃云彼中三四日大雪叔祖甚怪之時
八月安得有雪後人自彼中來問之果然乃歐陽
澈死時也然史以澈為撫人據文公之言澈為楚
州鹽城人為的見淮郡文獻志按史以澈為江
引朱子語錄以澈為鹽人而潘中丞准郡文獻志
而進於鹽或本鹽人而進於撫或竟家焉皆不可
知且令現祀鄉賢必非撫人與
鹽全無涉者今仍從舊志載入

陸秀夫字君實楚州鹽城人生三歲其父徙家鎮江稍

長從其鄉人孟先生學孟之徒百餘獨指秀夫曰此
非凡兒也寶佑四年登進士第李度之鎮淮南聞其
名辟至幕中時天下稱得士多者以淮南為第一號
小朝廷秀夫才思清麗一時文人少能及之性沉靜
不苟求人知每僚吏至閣賓主交歡秀夫獨斂無一
語或時宴集府中坐樽俎間於莊終日未嘗稍有希
合至察其事皆治度之益器之難改官不使去已就
幕三遷至主管機宜文字咸淳十年度之制置淮東
擢叅議官德祐元年邊事急諸僚屬多亡者惟秀夫
數人不去度之上其名除司農寺丞累擢至宗正少

卿兼權起居舍人二年正月以禮部侍郎使軍前請
和不就而反二王走溫州秀夫與蘇劉義追從之使
人名陳宣中張世傑等皆至相與立益王於福州是
為端宗進秀夫端明殿學士簽書樞密院事宜中以
秀夫久在兵間知軍務每事咨訪始行秀夫亦悉心
贊之旋與宣中議不合宣中使言者劾罷之張世傑
讓宣中曰此如何時動以臺諫論人宣中惶恐亟召
秀夫還時君臣播越海濱庶事疏畧楊太妃垂簾與
群臣語猶自稱如每時節朝會秀夫儼然正笏立如
治朝或時在行中凜然泣下以朝衣拭淚衣盡濕左

右無不悲慟者屬并澳風帝以驚疾殂群臣皆欲散
去秀夫曰度宗皇帝一子尚在將焉置之古人有以
一旅一成中興者今百官有司皆具士卒數萬天若
未欲絕宋此豈不可為國耶乃與衆共立衛王於福州
是為帝昀以秀夫為左丞相兼樞密使與世傑共
秉政時世傑駐兵厓山秀夫外籌軍旅內調工役凡
有述作盡出其手雖勿遽流離中猶自書大學章句
以勸講世傑以厓山天險可扼以自固乃逆帝於厓
山祥興二年二月元張弘範襲厓山張世傑力戰禦
之宋師大潰秀夫走帝再度不得脫乃仗劍驅妻子

入海謂帝曰國事至此陛下當為國死德祐皇帝辱
已甚陛下不可再辱即負帝赴海死時年四十二

楊南海公曰予家厓山最悉丞相死事及至監城則丞
相故里也蓋歎歎溪下而不能已焉訪問其後人無
有也謂當其時已盡驅妻子入海矣然潮郡有城南
陸城東陸云皆陸丞相之後其家尚有忠貞神主謂
丞相生有四子其一子名繇者好漁獵被逐得不死
得繫衍其後人云噫嗟嗟丞相忠魂在厓山神爽當
往來故里其丹衷正氣則長在天地間即後人有無
奚問哉

明

王百度字介石弟百聖字揆一兄弟皆有武畧家有神
鎗謂之梅花槍度以武科授崇明守備崇明濱海有
海寇顧榮領衆數千擄掠地方度勦捕賊巢屢報捷
題陞劉河遊擊賊因度陞復肆突率衆至施家橋度
覺率騎衝入賊營殲賊衆數百日暮賊益張無援兵
被圍中流矢死聖以單騎潰重圍負兄屍出誓殺賊
巡撫張疏褒之卽令署兄職顧榮技誠授蘇撫標負
會同謁軍門聖袖鉄錘擊榮頭顧碎暈死聖白陳詣
獄榮漸蘇當事重其義留用聖力辭歸兄弟皆烈士

也

李幹才廩生甲申聞京師陷卽焚儒衣冠絕意不食終
日和陶淵明歸去來辭同學諸人為詩文生祭之賸
目無一言而死同時有孫光烈司邦基皆邑諸生聞
國變北向痛哭俱慷慨殉節以死

樂大章字君雅邑廩生明季天下多故大章隱居教授
巖巖拒獲學者宗之聞北都之變語家人曰時事至
此身安所寄惟效魯仲連蹈東海死耳一夕正衣冠
出不返編繇之得遺骸於城西偏堰澤中

漢

臧

臧吳射陽人有幹才為良吏會妖賊許合起兵陷城邑
拜吳揚州刺史吳進兵連戰平之還為匈奴中郎將
後遷京師太尉表逢問西域諸國土地風俗人物種
數吳吳答西域本三十六國後分為五十五種散至
百餘國大小道里遠近人物風俗燥濕山川草木鳥
獸異物多種不與中國同者口陳其次手畫地形逢
奇其才太息言雖班固作西域傳何以加此後轉長
水校尉終太原太守